



Broj: 14-11-273/22
Vogošća, 07.04.2022. godine

Na osnovu člana 70. i člana 100. stav 3. Zakona o javnim nabavkama BiH ("Službeni glasnik BiH" broj: 39/14) i člana 71. i 125. Statuta Općine Vogošća ("Službene novine Kantona Sarajevo", broj: 27/14, 14/15 i 9/20), a nakon zaprimanja Žalbe ponuđača DD za osiguranje "Camelija" Bihać od 25.03.2022. godine, Općinski načelnik dana 07.04.2022. godine donio je

**ODLUKU
O IZBORU NAJPOVOLJNIJEG PONUĐAČA ZA PRUŽANJE USLUGE OSIGURANJA VOZILA
OPĆINE VOGOŠĆA**

Član 1.

Ponuda ponuđača DD za osiguranje "Camelija" Bihać, ulica 5. Korpusa broj 3. Bihać, odabrana je za pružanje usluge osiguranja vozila Općine Vogošća, kao prvoplasirana na Rang listi, sa ponuđenom ukupnom cijenom nabavke u iznosu od 5.262,50 KM bez uračunatog PDV-a.

Član 2.

Ovom Odlukom stavlja se van snage Odluka o izboru najpovoljnijeg ponuđača za pružanje usluge osiguranja vozila Općine Vogošća broj: 14-11-273/22 od 17.03.2022. godine.

Član 3.

Odluka o izboru najpovoljnijeg ponuđača će biti objavljena na web stranici Općine Vogošća, istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama BiH.

OBRAZLOŽENJE

Općinski načelnik je dana 15.02.2022. godine donio Odluku o pokretanju Otvorenog postupka nabavke usluge osiguranja vozila Općine Vogošća, zajedno sa objavljivanjem Obavještenja o nabavci i tenderske dokumentacije na Portalu javnih nabavki BiH dana 17.02.2022. godine pod brojem: 1353-1-2-21-3-53/22.

Sažetak Obavještenja o nabavci objavljen je u "Službenom glasniku BiH" broj: 9/22 od 18.02.2022. godine.

Tendersku dokumentaciju sa Portala javnih nabavki BiH je preuzelo 10 (deset) ponuđača. Krajnji rok za dostavu ponuda bio je 07.03.2022. godine do 16:00 sati, te je izvršeno javno otvaranje ponuda, što je konstatovano Zapisnikom sa otvaranja ponuda od 07.03.2022. godine.

Nakon izvršenog otvaranja ponuda, Komisija za javne nabavke je pristupila analizi dokumentacije priložene uz ponude, u smislu provjere njihove validnosti, s obzirom na iskazane zahtjeve ugovornog organa u Tenderskoj dokumentaciji broj: 14-11-273/22 iz februara 2022. godine, odnosno pregledu ponuda u skladu sa procedurama i pravilima utvrđenim Tenderskom dokumentacijom, te Zakonom o javnim nabavkama BiH i pripadajućim podzakonskim aktima.

Shodno navedenom Zapisniku sa otvaranja ponuda, Komisija za javne nabavke je konstatovala da su zaprimljene 4 (četiri) ponude i to:

R.B.	NAZIV PONUĐAČA/GRUPE PONUĐAČA	UKUPNA CIJENA (KM) bez PDV-a	POPUST	CIJENA (KM) SA POPUSTOM bez PDV-a
1	DD za osiguranje "Camelija" Bihać	5.262,50	/	/
2	"Osiguranje Aura" a.d. Banja Luka	5.801,72	/	/
3	"Sarajevo-osiguranje" d.d. Sarajevo	5.992,70	/	/
4	"Euroherc osiguranje" d.d. Sarajevo	4.154,84	/	/

Nakon provedene Zakonom propisane procedure, dana 17.03.2022. godine Općina Vogošća kao ugovorni organ je donijela Odluku o izboru najpovoljnijeg ponuđača broj: 14-11-273/22, kojom je kao prvoplasiranu ponudu sa Rang liste u Otvorenom postupku nabavke usluge osiguranja vozila Općine Vogošća odabrala ponudu ponuđača "Euroherc osiguranje" d.d. Sarajevo, sa ponuđenom ukupnom cijenom nabavke u iznosu od 4.154,84 KM bez uračunatog PDV-a.

Na predmetnu Odluku izjavljena je žalba od strane ponuđača DD za osiguranje "Camelija" Bihać dana 25.03.2022. godine.

Razmatrajući izjavljenu Žalbu Komisija za javne nabavke je konstatovala da je ista dopuštena, blagovremena i izjavljena od strane ovlaštene osobe.

Detaljnim uvidom u žalbene navode žalitelja DD za osiguranje "Camelija" Bihać Komisija za javne nabavke iste je smatrala opravdanim iz sljedećeg razloga:

Komisija za javne nabavke Općine Vogošća je nakon zaprimanja žalbe od strane DD za osiguranje "Camelija" Bihać izvršila ponovnu evaluaciju svih prispjelih ponuda u otvorenom postupku nabavke usluge osiguranja vozila Općine Vogošća, nakon čega je utvrđeno da je napravljen propust i da je žalbeni navod ponuđača DD za osiguranje "Camelija" Bihać osnovan. Naime, u ponudi ponuđača "Euroherc osiguranje" d.d. Sarajevo u obrascu za cijenu ponude – Specifikacija usluga osiguranja motornih vozila Općine Vogošća pod rednim brojem 12. navedena je vrsta vozila priključno, marka i tip – autoprikolica Pongratz kao i navod da se radi o prvoj registraciji sa stečenim bonusom 0%.

U ponudi pođača "Euroherc osiguranje" d.d. Sarajevo navedena je cijena premije od 29,00 KM, umjesto 32,00 KM.

U skladu sa članom 25. Odluke o načinu utvrđivanja tarife premije i cjenovnika za osiguranje vlasnika vozila od odgovornosti za štetu prouzrokovanu trećim osobama ("Službene novine Federacije BiH" broj: 77/20), obzirom da se radi o prvoj registraciji, premijski stupanj prema premijskom sustavu X-AO je pod brojem 10, gdje je Premija osnovnog stupnja 0% a stupanj bonusa je P6, a prema Cjenovniku za osiguranje od automobilske odgovornosti u Fedaraciji BiH isti treba iznositi 32,00 KM za priključna vozila nosivosti do 1 t.

Također, Komisija za javne nabavke je utvrdila da je i ponuda ponuđača "Sarajevo-osiguranje" d.d. Sarajevo u istom dijelu neisprava, jer je u obrascu za cijenu ponude – Specifikacija usluga osiguranja motornih vozila Općine Vogošća pod rednim brojem 12. navedena vrsta vozila priključno, marka i tip – autoprikolica Pongratz kao i navod da se radi o prvoj registraciji sa stečenim bonusom 0%.

U ponudi ponuđača "Sarajevo-osiguranje" d.d. Sarajevo navedena je cijena premije od 29,00 KM, umjesto 32,00 KM.

Shodno gore iznesenom, uz uvažavanje navoda iz žalbe žalitelja DD za osiguranje "Camelija" Bihać, a postupajući po navedenim utvrđenim činjenicama predmetnog slučaja, Komisija za javne nabavke predmetni navod Žalioca je smatrala osnovanim, te sljedom toga Ponude ponuđača "Euroherc osiguranje" d.d. Sarajevo i "Sarajevo-osiguranje" d.d. Sarajevo su formalno-pravno neispravne i kao takve nisu prihvatljive za ugovorni organ, a u skladu sa odredbom člana 68. stav 4. Zakona o javnim nabavkama BiH ("Službeni glasnik BiH", broj 39/14).

Detaljnim postupkom pregleda i ocjene ponuda, Komisija za javne nabavke je utvrdila da ponude ponuđača:

- DD za osiguranje "Camelija" Bihać i

- "Osiguranje Aura" a.d. Banja Luka

ispunjavaju formalno-pravne uslove, odnosno zahtjeve ugovornog organa tražene Tenderskom dokumentacijom.

Na osnovu prethodno utvrđenih činjenica Općina Vogošća kao ugovorni organ je dana 29.03.2022. godine Agenciji za javne nabavke BiH podnijela Zahtjev za poništenje održane E-aukcije uz zakazivanje novog postupka E-aukcije.

Dana 04.04.2022. godine Agencija za javne nabavke BiH rješavajući po zahtjevu Općine Vogošća kao ugovornog organa ponovo je zakazala termin održavanja E-aukcije za 06.04.2022. godine u 12:00 sati, uz obrazloženje: "Razlog poništenja prethodne aukcije: Po žalbi (član 100. ZJN), u skladu sa članom 100. st.(3) ZJN, svojim rješenjem postojeću odluku ili rješenje zamijenio drugom odlukom ili rješenjem, Agencija je mišljenja da se radi o opravdanom slučaju, te se udovoljava zahtjevu za ponovnim zakazivanje e-aukcije".

Nakon provedenog postupka E-aukcije i po završetku iste, a u skladu sa Izveštajem o toku i završetku E-aukcije od 06.04.2022. godine, Komisija za javne nabavke je sačinila sljedeću Rang listu u Otvorenom postupku nabavke usluge osiguranja vozila Općine Vogošća kako slijedi:

R.B.	NAZIV PONUĐAČA/GRUPE PONUĐAČA	UKUPNA CIJENA (KM) bez PDV-a	POPUST	CIJENA (KM) SA POPUSTOM bez PDV-a
1	DD za osiguranje "Camelija" Bihać	5.262,50	/	/
2	"Osiguranje Aura" a.d. Banja Luka	5.801,72	/	/

*U skladu sa članom 32. Pravilnika o primjeni zakona o porezu na dodatnu vrijednost ("Službeni glasnik BiH" broj: 93/05, 21/06, 60/06, 06/07, 100/07, 35/08 i 65/10) usluge osiguranja i reosiguranja su oslobođene plaćanja PDV-a.

Iz navedenih razloga, a primjenom člana 64. stav 1. tačka b) kao i člana 100. stav 3. Zakona o javnim nabavkama BiH ("Službeni glasnik BiH" broj: 39/14), Komisija za javne nabavke je jednoglasno dala preporuku Općinskom načelniku da donese Odluku o izboru najpovoljnijeg ponuđača DD za osiguranje "Camelija" Bihać, za pružanje usluge osiguranja vozila Općine Vogošća, kao prvoplasiranom na Rang listi, sa ponuđenom ukupnom cijenom nabavke u iznosu od 5.262,50 KM bez uračunatog PDV-a.

Pouka o pravnom lijeku: Ponuđač koji je učestvovao u postupku nadmetanja može radi zaštite svojih prava, u roku od pet dana od prijema Odluke o izboru najpovoljnijeg ponuđača izjaviti žalbu. Žalba se podnosi Uredu za razmatranje žalbi BiH putem ugovornog organa.

Izradio: Mirza Čutura

Mirza Čutura

Kontrolisala: Melisa Kršo

Melisa Kršo

Dostavljeno:

1. DD za osiguranje "Camelija" Bihać
2. "Osiguranje Aura" a.d. Banja Luka
3. "Sarajevo-osiguranje" d.d. Sarajevo
4. "Euroherc osiguranje" d.d. Sarajevo
5. Nadležnoj Službi
6. U dosije
7. a/a

info@camelija-osiguranje.com

033/460-041

033/223-835

euroherc@euroherc.ba



OPĆINSKI NAČELNIK

Edin Smajić